

# JEDAN GRAD, JEDNA BORBA

Piše ko zna, smije i umije; izlazi kad treba i mora; štampa se u kućnoj radinosti.

## PRAVO NA PITKU VODU!

Zadnjih mjeseci, kako se situacija s komunalnim uslugama svakodnevno pogoršava usljed godina pljačke i nebrige, vlasti u Kantonu Sarajevo intenzivno pripremaju teren za neki oblik privatizacije ključnih funkcija našeg života u gradu.

Učestali su očigledno naručeni istupi 'stručnjaka' koji tvrde da je rješenje nagomilanih problema - javno-privatno partnerstvo u komunalnim preduzećima. Javno-privatno partnerstvo, kojim se određeni dijelovi komunalnih usluga prepustaju privatnicima, zapravo je maskirana privatizacija – već viđeno u velikom broju zemalja.

Drugi kanal prikrivene privatizacije biće koncesije - za privatno korištenje javnih dobara, namjena i resursa u komercijalne svrhe. 22. marta kantonalna skupština razmatraće novi zakon na osnovu kojeg će se za sve usluge i resurse moći izdati koncesije. Šta to znači, najbolje se već sad vidi na vodi. Voda se za privatni profit crpi bez kontrole, ne znamo imamo li je dovoljno za takvu eksploataciju, a koncesije se ne plaćaju – bogata Coca Cola je tako jedan od najvećih dužnika. Po zadnjem revizorskom izvještaju, za čak 14 koncesija nema nikakvih ugovora.

Među prvima će se na udaru ovog talasa privatizacije naći javno preduzeće "Vodovod i kanalizacija". Šta to znači, vidi se na primjerima širom svijeta, jer su mnoge zemlje, pod pritiskom međunarodnih finansijskih organizacija a u interesu krupnog kapitala i privatnog profita, privatizovale razne komunalne usluge, pa i vodu. Nakon toga je u tim, mahom znatno uređenijim zemljama, stanovništvo dobijalo lošiju a daleko skuplju uslugu. Po ko zna koji put, pokazalo se da privatnik brine samo o svojoj zaradi. Zato su mnogi gradovi poput Berlina i Pariza, vrlo brzo vratili vodosnabdijevanje u vlasništvo i pod kontrolu lokalne zajednice.

Mi znamo kako su prošle sve privatizacije u ovoj zemlji – vodovod ne bi bio izuzetak. Teško stanje u koje su javno preduzeće 'Vodovod i kanalizacija' dovele kantonalne vlasti i uprave koje su produžena ruka istih tih vlasti, ne smije biti opravdanje za privatizaciju vode.

Voda pripada svima nama i njom mora upravljati javno preduzeće koje odgovara državi i društvu.

Voda nije izvor bogaćenja nego života.

### VODA JE ZAJEDNIČKO DOBRO!

**Inicijativa građanstva za dopunu Ustava Kantona Sarajevo: Prijedlog teksta amandmana**

**! Svako ima pravo na pitku vodu.**

**! Vodni resursi su javna imovina kojom upravlja država.**

**! Vodni resursi prvenstveno i održivo služe za opskrbu građana vodom za piće i upotrebu u domaćinstvu, i nisu tržišna roba.**

**! Snabdijevanje pitkom vodom i vodosnabdijevanje domaćinstava obezbjeđuje država direktno kroz lokalne zajednice i ne na komercijalnoj bazi.**

**! Niti jedan stanovnik Kantona ne smije biti ostavljen bez vode ukoliko svoje obaveze ne može izmiriti usljed nedostatka finansijskih sredstava za život.**

**IZMJENA USTAVA** spriječila bi privatizaciju vodnih resursa i vodoopskrbe stanovništva. Ustav bi garantovao da vodu kao zajedničko dobro niko, pa ni vlasti, ne može izvršiti privatizaciju vodnih resursa, niti vodosnabdijevanje stanovništva pretvoriti u komercijalnu djelatnost. Vodosnabdijevanje bi ostalo neprofitno i njim bi upravljalo 100% javno preduzeće, bez obzira na okolnosti – budžetski deficit, ekonomsku krizu, promjene vlasti. Neprofitno vodosnabdijevanje znači da svaki višak koji se stvori naplatom vodosnabdijevanja, taksi i slično mora biti iskorišten ISKLJUČIVO za potrebe snabdijevanja vodom.

## Zašto je nužno vodu zaštititi Ustavom?

Pitka voda za stanovništvo je apsolutni prioritet u odnosu na sve ostalo. Zadatak države je da nam svima obezbijedi pristup vodi za piće i da zaštiti vodu od prekomjernog crpljenja i zagađenja, kako bi i naredne generacije, za 20, 50 ili 100 godina, imale dovoljno vode za potrebe stanovništva i cjelokupnog živog svijeta.

## A šta s redukcijama?

Redukcije vode su nedopustive. Svima nam otežavaju svakodnevni život, a predstavljaju i izuzetno visok zdravstveni rizik.

**Kanton Sarajevo pod hitno mora planirati budžetska sredstva za početak rekonstrukcije vodovoda.**

Ta ulaganja se moraju nastaviti i narednih godina, po jasno definisanim prioritetima. Prioritet ne može biti vodovod s izvorskom vodom za vile na Poljinama i apartmane na Bjelašnici!

Najbogatiji kanton u državi, s budžetom od 700 miliona KM i par stotina miliona u opštinskim budžetima, ima para. To su naše pare koje se moraju usmjeriti za naše potrebe. Pravilno usmjerena sredstva iz budžeta, namjenski korištena, u roku od dvije do tri godine mogla bi znatno poboljšati vodosnabdijevanje.

A dugoročno vlasti moraju obustaviti svoje megalomanske građevinske poduhvate koji ugrožavaju izvore vode, trajno zaštititi izvorišta i vodozaštitnu zonu, i prestati trgovati resursima koji su naše zajedničko dobro.

**KO ODLUČUJE** hoćemo li zaštititi našu vodu kao zajedničko dobro ili će postati roba za privatnike?

## SKUPŠTINA KANTONA SARAJEVO

### SDA

*Sabahudin Delalić*

*Amar Dovadžija*

*Amor Mašović*

*Eldar Čomor*

*Elvedin Okerić*

*Fikret Prevljak*

*Kemal Ademović*

*Mirza Čelik*

*Muhamed Kozadra*

*Safet Mešanović*

### SBB

*Ana Babić*

*Dževad Rađo*

*Rasim Lakota*

*Selma Filipović*

*Zvonko Marić*

### BPS

*Semir Halilović*

### BOSS

*Haris Pleho*

*Rasim Smajić*

### NS

*Edin Forto*

*Predrag Kojović*

*Sabina Čudić*

### SDP

*Segmedina Srna-Bajramović*

*Slaviša Šučur*

### DF

*Bibija Kerla*

## SAMOSTALNI ZASTUPNICI

*Sejo Bukva*

*Amel Mekić*

*Fahrudin Pecikoza*

*Goran Akšamija*

*Hamed Aljović*

*Mario Vukasović*

*Mersiha Mehmedagić*

*Mirsad Pindžo*

*Neira Dizdarević*

*Nermin Bjelak*